

Ijkuak nojuiyan **TLAATEMIS...** **¿Tlen tikchiuas?**

Inintih atlitlalaquiac tlacati ipan xupantla uan tlasekuizpan, motomi hueyipolohua uan mimike poliwe

Ixmate uan kitlalilia kinelchihua ximixute uan ximotlachile



Xiktemo ok achi tenauatili

Servicio Meteorológico Nacional
www.smn.gob.mx

Sistema Nacional de Protección Civil
www.proteccioncivil.gob.mx

Centro Nacional de Prevención de Desastres
www.cenapred.gob.mx

Fuente:
Centro Nacional de Prevención de Desastres

Lengua indígena nacional: **Náhuatl**.
Autodenominación de la variante lingüística:
Mexicano de Guerrero. Lugar: Atlixnac.
Traductores: Fausto Aguilar Domínguez y Javier Galicia Silva

Xitlanemililn - achto mochiuas



Amo xijkoua se kali nion no ximochanti in kanin atoyatenko noso atlaujsintla



Xiktlakamati nochi tlanauatili itechpa kalchialistli



Xiktemo se kali tlen ajkopa moajsi in kanin tikchiyas maj pano tlaatemilistli



Nochi amatl tlen motech moneki xiktlati iijtik se plastiko ipijka uan kuali xiktsakua



Xiknechiko uan xikpia chipaujkaatl, tlakuali ika itepostikatsaujka, motilmaj uan mokak itechpa kiauítl

Ximoolini Ijkuak - mochiujtok



In tlaa motech monekis, ximoseuiti ipan se kemantika chantli, san mouan xikuika itlaj tlen melauak moneki



Ipan se ojtli tlen atentok, amo xiyauj ika teposmimilolkali



Amo ximajmaui, xiyekakitenauatili uan xiktlakamati imintlajtol totlanauatijkauan



Amo xikyejyeko tinejnemis noso tikalakis in ojtli tlen atentok, amo xinalpano se atoyatl



Amo ximonechiko ikaujyo, imekayo in tlaui tlen amo tektililok

Nojuiyan xitlajtlachiya - Ijkuak ye omochiuj



Ximokuepa mochan in tlaa ye tiyekmati amo tlaixitinis



Xikchipaua nochi tlen tikuas noso tikonis, ximomokuitlaui



Xijkixti in kiauajtl tlen itlaj tentok, ijkon amo nesis sayolin uan ijkon amo timokokos



Xijkixti nochi tlamantli tlen uelis xotlas uan tlatlatis



Xitenuati in tlaa tikitas akin tlen kokoxki, amo xikyejyeko tikolinis

In tlaa TLALONILIS:

XITLANEMILI

In achto mochiuas



Xitlanemili tlen nankichuaske tejuatsin uan mochankauan



Xikyejyekokan kenin nankichuaske ijkon nanmomakixtiske



Xiktemokan kanin ok achi kuali nanyetoske



Xiyekijita nochi iakayo gas uan tlauli



Xiknechikokan uan xikpiakan tlakuali tlen uejkauas uan chipaujkaatl

XIMOOLINI

Ijkuak mochiujtok



Amo ximonechiko in kanin onka itlaj tlen uelis uetsis noso postekis keme teskatl



Amo ximajmaui uan ximokaua in kanin uelis kuali tiyetos



Xikteki noso xiktsakua iakayo gas uan tlauli



Amo ximoketsa itsintla se kuaupanko nion ikuaujyo noso imekayo tlauli ipampa uel mopan uetsis



Amo ximokaua itsintla se uejkapakali noso ueykali

NOJUIYAN XITLATLACHIYA

Ijkuak ye omochiuj



Xikijita mokal, xikita tlen ipan omochiuj



Amo xitlaxotlalti, in achto xikijita iakayo gas kox amo kisa noso kema



Xiktekitilti in tepostenotsaloni in tlaa melauak motech moneki



Xiyekaki tenauatili, amo xitemaujti uan xiktlakamati imintlajtol totlanauatijkauan



Xikelnamikikan, uelis oksepa tlaloniis, ximomokuitlauikan

Itlamiyan inin 200 xiuitl ipan Mexijko miyakpa otlalolini:



75

inon tlalolinilistli temaujtik omochiuj uan otemakak miyak netekipacholistli,

60

tlalonilistli okipix uan kemaniyan ok achi miyak 7

In tlaa moajxiltis nochi tlanauatili itechpa kalchiualistli uelis amo miyakej tokniuan mikiske nion tikpoloske miyak ijkuak tlaloniis

Xiktemo ok achi tenauatili

www.proteccioncivil.gob.mx

www.cenapred.gob.mx

www.sismos.gob.mx



Fuente: Centro Nacional de Prevención de Desastres

Lengua indígena nacional: **Náhuatl**. Autodenominación de la variante lingüística: **Mexicano de Guerrero**. Lugar: Atlixnac.

Traductores: Fausto Aguilar Domínguez y Javier Galicia Silva

OHUIYOTL MONEMIS TLALIXTEPEHUA



Nochi tlen uel kichiuas maj tlaxitini

In tlen uelis topan mochiuas in tlaa TEPENAKASTLA timochantijtoke. Ueytepetla, tepeyakatla, atlaujtlá uan tepetontli nochi mopoua keme 47% iixkotsin totlalnantsin, uan 17% inacastla inon tepetla uelis tlaxitinis

Ipan se tepenacastla uelis tlaxitinis ijkuak...

- ▶ Teyini in tlali ipampa tlakiaujtok noso tlalijtik atoyauí in kuitlaatl, niman motsetseloua in tlali ipampa tlalonilistli noso ipampa se ueytekitl
- ▶ Tikalchijchiujtokej miyak
- ▶ Kuautejteko, kuautesontekopinalo
- ▶ Tlalijtik kamaui ipampa onka kuitlakali uan atlakomoli
- ▶ Amo tikmatin kenin tiktekiske in tepetl noso titlaltakaske ipampa se ueytekitl

¡Nochipa xitlajtlachiya! Uelis tlaxitinis in tlaa...

- ▶ Onka aktiuetsilistli noso tlatlapani tepenacastla
- ▶ Meua in tlali noso moihtlakoua kaltsintla uan amo uel mokaltsakuas
- ▶ Tlatlapantok itepetlapan in ojtli
- ▶ Sekin kuauitl uan tepamitl mopechteka noso mokoloua
- ▶ Tepamitl noso tenamitl moihtlakoujtok noso tlatlapantok
- ▶ Onka tlalolinistli maske san tepitsin

¿Tlen tikchiuaske ijkon amitla topan mochiuas?

- ▶ In achto, xikixmati kanin timochantijtok uan xiktlakamati imintlajtol totlanauatijkauan
- ▶ Xiktlakamati nochi tlaman tlanauatili itechpa kalchiualistli
- ▶ Xikita nochi mokal kox amo tlatlapani noso moihtlakoua mokalkuapan, mokaltepanko noso mokaltsintla
- ▶ Amo xikuautesontekopina, amo xikuautejteki
- ▶ Amo xikauili maj tlalijtik atoyauí ipampa uelis teyinis in tlali
- ▶ Xikita kox sekin kuaumej mopechteka noso uetsisneki
- ▶ Xikinnauati totlanauatijkauan in tlaa tikitas sekin nekuejmolol noso sekin netekipacholistli itechpa tlaxitiniistli

¡Monemilis uan iminnemilis mochankauan nel motelneki!

#PREVENIRESVIVIR

Xiktemo ok achi tenauatili

Sistema Nacional de Protección Civil
www.proteccioncivil.gob.mx

Servicio Meteorológico Nacional
www.smn.gob.mx

Centro Nacional de
Prevención de Desastres
www.cenapred.gob.mx



Fuente:

Centro Nacional de Prevención de Desastres

Lengua indígena nacional: **Náhuatl**.
Autodenominación de la variante lingüística:
Mexicano de Guerrero. Lugar: Atlixnac.
Traductores: Fausto Aguilar Domínguez y Javier Galicia Silva

SEGOB
SECRETARÍA DE GOBERNACIÓN



Nochi tlen uel kichiuas maj tlalxitini



Nochi tlen moneki tikchiuaske ijkon amo tlalxitinis in tepenakastla

Nikan, tepenakastla amo san kijtosneki inakastla se ueytepetl, yesej noijki mopouas inakastla san tlen tepetl uan atlaujtla.

Tepenakastla uelis tlalxitinis ipampa se noso miyak tlamantli keme ye otikijtojke nikan itechkopa se neskayotl, xikixmati ijkon tikmatis tlen tikchiuas.

¿Kenin uelis moolinis se tepenakastla ijkuak tlalxitinis?

Uelis tlatlaxetl uelis tlalxitinis ijkuak chikauak moolinis in tlali ika tetl tlen tepekuapan peua uetsis uan chikaujkatika mimilos noso motlalos, uan amitla uelis kitsakuilis iojui.

Uelis mopetskos noso yolik moolinis in tlali itechkopa iixko se noso miyak tlalpechtli. Kemaniyan noijki uelis teyinis noso moyektlalis inon tlali in achto moolinis. Melauak temaujtik inon tlaman tlonilistli ipampa nochi uelis kixpolos.

Uelis moolinis inon tlali, uelis isel moolinis noso ika tetl tlen mimilos uan tepetsintla ajsis, noijki uelis tlalpechijtik moolinis. Inon uelis mochiuas ijkuak chikauak tlakiauis, yejika in tlali uan tetl tlen uetsis nel temaujtik ipampa isiujka motlaloua uan ipan ajsitiuetsi in atlaujtla, ixtlauakan noso milpan, noijki nochi uelis kiixpolos.

¿Tlen uelis nikchiuas ijkon amo moijtlakouas in tepetsintla uan amo xitinis?

- 1.- Amo xikuautsontekopina nion iujmaateka.
- 2.- Xikmokuilaui nochi tepetla uan xiktlakamati itlanauatil in kuautla, in tepetla.
- 3.- Amo xitlaltataka in tepetsintla.
- 4.- Xikintlajtlani itekitijikauan momunicipio maj mitspaleuikan in tlaa motech monekis titlaltatakas ipampa mochiuas se ueytekitl ipan tepetsintla.
- 5.- Amo xikauili tepeijtik atoyauis in kuitlaatl ipampa uelis kamauis uan xitinis in tlali. In tlaa tikitas tepenakastla ameya, san nimantsin xikinnauati totlanauatijikauan uan maj isiujka kichijchiuakan in apantli ijkon ayokmo akisas.
- 6.- Xikixmati uan xiktlakamati imintenuatil itekitijikauan moaltepetsin, ok achi ximomokuitlani ipan xopantla ijkuak chikauak tlakiaui. Ika iminnepaleuil motlanauatijikauan xitlajtlachiyakan uan xiktemokan itlaj tlen uelis kichiuas se tlalxitinilistli.
- 7.- Nochipa xikijita nochi mokal, xikita mokaltepanko, mokaltsintla uan mokalkuapan, xikita kox amo moijtlakoujtok, kox amo aktiuetsis noso tlatlapanis. In tlaa tikitas se netekipacholis noso se nekuejmolol san nimantsin xikinnauati motlanauatijikauan.

8.- Noijki xikijita kox amo uetsisneki noso mokoloujtok sekin kuauitl.

9.- In achto tikchiuas se ueytekitl, in achto titlaltatakas noso tikalchiuas, maj xikinnauati uan xikintlajtlani motlanauatijikauan itechpa inon tlaman tekitl.

10.- In tlaa tikitas ye tlatlapantok itlalixko in tepenakastla in kanin timochantia, san nimantsin xikinnauati itlanauatijikauan moaltepetsin.

Xitechnauati se nekuejmolol ipan 088.

Xiktemo ok achi tenauatili:

www.proteccioncivil.gob.mx
www.cenapred.gob.mx

XIKNEMILIKAN IPAN MOCHAN TLEN KICHIUASKE IJKON NANMOMOKUITLAUISKE

Ipan mochan tipeuas timomokuitlouis... yejika xiknemilikan tlen nankichiuaske ijkon nanmomokuitlouiske

Ijkuak ajsis se netekipacholistli xiknemilikan kenin nankimomokuitlouiske sejse tlakatl: konemej, pipiltin, ueuetsin, ilamatsin, kokoxkatsintli, in tlaa nankipixtokej se chichi noso se miston noijki xikinpuokan

Xiktlakamati inin naui tlajtolmej:

- 1** Xikijita mokalijtik uan mokaltempa kanin amo uel tiyetos uan kanin uelis timopaleuis. Xikita nochi mokal uan iakayo gas, atl uan tlauii
- 2** Ipan se amatl, xiknexti kanin uel isiujka nankisaske, kampa nanyaske, xiknexti katlen nekuejmolol uelis mochiuas uan kenin uel nanmomakixtiske
- 3** Ipan mochan ximotlapouikan uan xitlanemilikan tlen nankichiuaske in tlaa tetsaujkakiauis noso tlalolinis
- 4** Xixiujtika ipan mochan, maske expan xitlayejyekokan itechpa kenin ok achi kuali nankichiuaske ijkuak ajsis se netekipacholistli noso se nekuejmolol



Lengua indígena nacional: **Náhuatl**. Autodenominación de la variante lingüística: **Mexicano de Guerrero**. Lugar: Atlixnac.
Traductores: Fausto Aguilar Domínguez y Javier Galicia Silva

Se tlamamali tlen nel motelneki

Nochipa xikpixtok...

- 1.-** Nochi amatl tlen nel motelneki
- 2.-** Se tlajkuilolamatl itechpa imintlapoual mochankauan, tlamachtilyan, tepajtiloyan uan motlanauatijkauan tlen uelis namechpaleuiske
- 3.-** Tlakuali ika itepostsakuajka, uan atl tlen nankikoniske ipan ome tonalmej
- 4.-** Pajtli uan nochi tlen itech moneki se kokoxkatsintli
- 5.-** Sekin tlatkitl tlen uelis monekis in tlaa mochijchiuas itlaj
- 6.-** Tepostlajtolkakoni uan tlauii ika pilas

**Ijkuak ajsis se nekuejmolol, kox tikmati...
¿Kanin ok achi kuali tiyetos, mokalijtik noso okseko?**

- ▶ Amo onka se tlanauatili tlen mitsiluis tlen uan kenin tikchiuas, ipampa tlatlaman nekuejmolol uelis ajsis uan noijki tlatlaman sejse kali
- ▶ Nochipa ximoyolseui, amo ximotlalo, amo xitsajtsi, amo xitetopeua
- ▶ Xiyauj in kanin timosentlalis inuan mochankauan in kenin anmokaujke

#PREVENIRESVIVIR
Xiktemo ok achi tenauatili



Sistema Nacional de Protección Civil
www.proteccioncivil.gob.mx

Centro Nacional de Prevención de Desastres
www.cenapred.gob.mx

Xikinnauati motlanauatijkauan in tlaa tikmatis onka se nekuejmolol, xiknotsa ipan **088**

Fuente: Centro Nacional de Prevención de Desastres

SEGOB
SECRETARÍA DE GOBERNACIÓN






Xiknemili ipan mochan tlen tikchuias...

Uelis timopaleuis in tlaa teuan tisentekitis uan ijkon nanmosenmokitlause

Xiktlakamati inin naui tlahtolmej...

Xitlajtlachiya:



Inuan mochankauan ximonojnotsakan kanin nanmosentlaliske: uelis altepexijko noso okseko



Se moyolikni, se mochankauj noso se moteixmatkauj xikmaka maj kipiya se itlapoualoni mokal uan sekin iixkopinka moama tlen nel motelneki

In tlaa tikpixtok chichimej noso mistontin:



Noijki xikinmokitlause



Xiknemili itechpa nochi tlen itech monekis uan kenin tikin-uikas



Xikintlalili se koskatl tlen kijtos kenin imintoka, kanin iminchan uan motlapoual




Ayik xikinkaua iminsel, amo xikinilpi kiauak noso kaltlenko



Xikintlalili iminkamatsakualoni uan imeka, in tlaa ijkon monekis

In tlaa motlanauatijkauan mitsiluiske tikisas mokal, xikintlakamati, ijkon timopaleuis



Xitlayejyeko. Xikchiua nochi tlen tikmati itech moneki tepaleuis uan temakixtis



In tlaa mopan ajsitiuetsis se nekuejmolol, xikaki imintlanauatil motlanauatijkauan in tlen mitsiluiske tlen tikchuias



Xikixmati in kemantika chantli in kanin uel tiyas, san xik-uika in tlen melauak moneki

Xiktemo ok achi tenauatili

Xikixmati tlen uelis tikchuias ipan sejse nekuejmolol, xikixpoua in Guía de Prevención de Desastres

http://www.cenapred.gob.mx/es/Publicaciones/archivos/18-GUADEPREVENCINDEDESAS_TRES.PDF

Sistema Nacional de Protección Civil
www.proteccioncivil.gob.mx

Centro Nacional de Prevención de Desastres
www.cenapred.gob.mx


Ye uits tetsaujkaejekatl... ¿Tlen tikchius?



Sistema de Alerta Temprana
Ciclones Tropicales **SIAT - CT**

Xikixmati inin makuili **ITLAXELOL NEKUEJMOLOL** ijkuak moajsi se tetsaujkaejekatl nikan totlalnantsin

Ipan Mexijko, ipan **MAYO** peua uits inon tetsaujkaejekatl, uan tlami ipan **NOVIEMBRE**. Xixiujtika uelis monechikos keme **25** tetsaujkaejekatl, uan naui melauak kalaki totlalnantsin



Sistema Nacional de Protección Civil
www.proteccioncivil.gob.mx

Servicio Meteorológico Nacional
www.smn.gob.mx

Centro Nacional de Prevención de Desastres
www.cenapred.gob.mx

Fuente:
Centro Nacional de Prevención de Desastres

Lengua indígena nacional:
Náhuatl. Autodenominación de la variante lingüística: mexicano de Guerrero. Lugar: Atlixtac.
Traductores: Fausto Aguilar Domínguez y Javier Galicia Silva

Momati ye uits noso ye monechikojtika se tetsaujkaejekatl iatenko totlalnantsin



Xikséntoka xikaki tenauatili itechpa tetsaujkaejekatl uan kiauítl



1. San tepitsin onka netekipacholis



Xikuaumaateki in tlaa kitsakuilijtok imekayo in tlaui, noiiki xiktejtiki in kiauítl tlen uelis uetsis



Xikchimalti iteska in tlanexilotl, nepachiujtika xiktlapacho ika oxamatl, xikilpi inon tlamantli tlen uelis ejekaanalos



Xikchipaua in kalkuapan, xiktlapoua apantli uan kuitlaapantli, noiiki maj AMO xiktlalmotla tlajsoli



2. Amo onka miak netekipacholis



Xiktemo kanin onka se kemantika chantli in kanin uelis timoseuis uan xikmati kenin isiujka tiajsis



Xiknechiko tlakualli, chipaujkaatl uan nochipa xikpiya nochi tlen uelis motech monekis in tlaa timokokos



Nochi amatl tlen motech moneki xiktlali iijtik se plastiko ipijka uan kualí xiktsakua



3. Onka netekipacholis




Amo ximonechiko in tlaixitiniyotlan, ximoseuítl ipan se kemantika kali in tlaa mokal amo tlakualkan



In tlaa atoyatenko noso inauak ateskapan timochantijtika, xikijita keman atentok



Kualí xiktsakua sejse kaltsakuilotl uan sejse tlanexilotl, xikteki iakayo gas uan imekayo in tlaui



4. Onka miyak netekipacholis



Amo ximonechiko inauak tlanexilotl ipampa in tlaa postekis, uelis uetsis iteska uan mitskokos



Ximokaua ipan inon kemantika kali, san ximokuepa mochan in tlaa totlanauatijkauan mitsiluiske ye kualí tikchius ijkon



Amo ximajmaui nion xitemaujtí uan nochipa xikaki tenauatili



5. Melauak onka netekipacholis

SEGOB
SECRETARÍA DE GOBERNACIÓN



SISTEMA NACIONAL DE PROTECCIÓN CIVIL
MÉXICO

MOVIENDO A MÉXICO HACIA LA PREVENCIÓN

YE OYAJ TETSAUJKAJEKATL... ¿Tlen tikchiuas?



Sistema de Alerta Temprana
Ciclones Tropicales **SIAT - CT**

Xikixmati inin makuili **ITLAXELOL NEKUEJMOLOL**
ijkuak moajsi se tetsaujkaejekatl nikan totlalnantsin

Ipan Mexijko, ipan **MAYO** peua uits inon tetsaujkaejekatl, uan
tlami ipan **NOVIEMBRE**. Xixiujtika uelis monechikos keme 25
tetsaujkaejekatl, uan naui melauak kalaki totlalnantsin



Sistema Nacional de Protección Civil
www.proteccioncivil.gob.mx

Servicio Meteorológico Nacional
www.smn.gob.mx

Centro Nacional de
Prevención de Desastres
www.cenapred.gob.mx

Fuente:
Centro Nacional de Prevención
de Desastres

Lengua indígena nacional:
Náhuatl. Autodenominación de
la variante lingüística: **Mexicano
de Guerrero**. Lugar: Atlixnac.
Traductores: Fausto Aguilar
Domínguez y Javier Galicia Silva

1. Melauak onka netekipacholis

- Ximokaua ipan inon kemantika chantli uan xikchiya mitsiluiske ye otlan nekuejmolol
- Amo ximajmaui uan xikinyolseui mochankauan
- Nochipa xikaki uan xiktlakamati imintlajtol totlanauatijkauan

2. Onka miyak netekipacholis

- In tlaa moijtlakoujtok mokal, xikin nauati totlanauatijkauan uan ximokuepa in kemantika chantli
- Xikita motlakual kox chipauak, noiiki san xikoni chipaujkaatl
- Amo xikuika momimilokal itechkopa ueyojtlipan
- Amo xikchiua nion se tlamán tekitl in ueyapan nion itenko ueyapan

3. Onka netekipacholis

- Xikijita motlakual, nochí xikchipaua uan ximomapaka
- Xitlapaleui, xitlachipaua uan xitlachpana in kanin timochantjtok
- Xikixiti in kiauajtl tlen itlaj tentok, ijkon amo nesis sayolin uan ijkon amo timokokos
- Xiksentoka tsaktok iakayo gas uan atl, noiiki imekayo tlaui in tlaa amo tikmati kox ye otlan nekuejmolol

4. Amo onka miak netekipacholis

- Xikita motlakual kox chipauak, noiiki san xikoni chipaujkaatl
- Amo xinejnemi in kanin uelis onka nekuejmolol, amo ximoketsa ipan imekayo tlaui nion xikui itlaj tlen uelis mitskokos
- In tlaa tepetsintla, atlaujtla noso tepekuapan timochantia, ximomokuitlaj maj amo tlaixitini

5. San tepitsin onka netekipacholis

In tetsaujkaejekatl noso tetsaujkakiauitl ye okikauj iatenko totlalnantsin yejika uelis amo onyes netekipacholis

- Xiksentoka xikaki tenauatili itechpa tetsaujkakiauitl


SEGOB
SECRETARÍA DE GOBERNACIÓN




SISTEMA NACIONAL DE
PROTECCIÓN CIVIL
MÉXICO

SE KUALI KALI...


In tlaa timokalchiuilis, tikchijchuias noso tikyektlalis mokal:




Ipan Mexijko totlalnantsin, in tlaa onka yei kali, ome inon kali amo kuali omochiuj, ipampa amo okitlakamatke itlanauatil kalchiualistli



Inon nekuejmolol noso netekipacholistli itechpa tlanonilistli ipan nochi totlaltikpak otechnextilij ika inon nekuejmolol omochiuj ipampa amo oajxilitlok noso amo otlakamatilok itlanauatil kalchiualistli



Inon kali tlen san kenin mochiuas nochipa uelis mopolos ipampa moketsas in kanin uelis atemis, tlaixitinis noso uetsis ijkuak tlalolinis, tlaejekas chikauak noso teyinis in tla



In tlaa tikajxiltis noso tiktlakamatis itlanauatil kalchiualistli, uel kuali timochantis. ¡Amo ximopolo!



Xiktemo ok achi tenauatili

Sistema Nacional de Protección Civil
www.proteccioncivil.gob.mx


Centro Nacional de Prevención de Desastres
www.cenapred.gob.mx

Oficinas de Desarrollo Urbano, Vivienda u Obras Públicas de tu municipio, delegación política o entidad federativa

Fuente: Centro Nacional de Prevención de Desastres

Lengua indígena nacional: Náhuatl. Autodenominación de la variante lingüística: Mexicano de Guerrero. Lugar: Atlixnac. Traductores: Fausto Aguilar Domínguez y Javier Galicia Silva

- Xiktlaajtlani maj mitspaleui se tlamatini itechpa kalchiualistli noso se kalchiuani, amo xikchiua moseltsin
- Xiknemili kox mokal moketsas in kenin axkan tlanauatijtok in Reglamento de Construcción
- In tlaa ye kalchiujtokej, momostla xikita uan xiktlaajtlani maj tlakamatilo, maj ajxilitlo in amatl tlen kijtojtika kenin mokalchiuas, ijkon tikpiyas se kali chikauak
- In tlaa ipan moaltepetsin amo onka se tlanauatili itechpa kalchiualistli, xikintlaajtlani motlanauatijkauan itechpa Obras Públicas, Desarrollo Urbano y Vivienda ipan moaltepetsin, maj mitsiluikan kenin uel timokalchiuilis
- Xikintlaajtlani maj mitsmakakan se neskeyotl noso se machiyotl tlen okichijke tlamatinimej itechpa kalchiualistli



likxi noso ichikaualis seje kalnakasko uan ichikaualis seje itekno tepamitl

Ichikaualis itenko seje kalakoayan uan tlanexilotl

#PREVENIRESVIVIR

Xikmati ok achi miyak itechpa mokaltsin



Mokaltsin moaxka uan iminaxka mochankauan, yejika nel motelnekis tikpiyas se kuali uan chikauak kali tlen uel kiixnamikis: tlalonistli, tetsaujkaejekatl, tetsaujkakiauitl, tesiuitl iuetsiyan noso okse tlen uelis ipan mochiuas



In achto tikalchiuas, motech moneki xiktlajtlani se tlamatini itechpa kalchiualistli, maj mitsilui kenin mokalchiuas noso xiktetlakeui maj mitskalchiuili ijkon tikpiyas se kuali uan chikauak kali tlen amo uetsis nion moihtakouas ijkuak tlalolinis noso tlakiauis



In tlaa tiktlakamatis noso tikajxiltis itlanauatil kalchiualistli melauak mitspaleuis tikpiyas se kuali, se yektli uan se chikauak kali, no ijkon in akinkej okichijchiujkej mokal uel tikintlaxilis in tlaa itlaj ipan mochiuas



Ijkuak timokalchiuilis motech monekis tikajxiltis in amatl tlen okichiuje in tlamatinimej in kanin kijtojtika kenin uan kanin motlalis sejse itlakoton mokal: itepan, itepepech, iikxi, ichikaujka tlen kimamas nochi kali, nochi inon moijskuilos, momachiyotis noso moneskayotis ipan se amatl tlen satapa tejuatsin tikpiyas

¡Xiktemo ok achi tenauatili!

Timitsyoleuan maj xikixmati uan maj xiktekilti in tlanauatili itechpa kalchiualistli ipan moaltepetsin, inon amatl uelis tikixpouas ipan Gaceta Oficial ipan sejse itlanauatijkayo totlalnantsin

